



## **Directivas concernent contribuziuns als daners da scola da scolaziuns extrachantunalas per la generaziun giuvna da sportistas e sportists ch'èn degns da vegnir promovids**

Sa basond sin l'art. 10 da la lescha davart la promoziun dal sport e dal moviment dals 11 da zercladur 2014 (lescha da promoziun dal sport, LSpO; DG 470.000) sco er sin l'art. 31 lit. c da l'ordinaziun davart la promoziun dal sport e dal moviment dals 7 da fanadur 2015 (ordinaziun da promoziun dal sport, OSpO; DG 470.010)

relaschadas dal departament d'educaziun, cultura e protecziun da l'ambient ils 25 da schaner 2018

---

### **Art. 1 Pajaments da contribuziuns**

<sup>1</sup> Il chantun Grischun po pagar contribuziuns als custs d'instrucziun che resultan da scolaziuns extrachantunalas en il sector da la scola populara, da la furmaziun fundamentala professiunala, dal gimnasi, da la scola media commerciala sco er da la scola media spezialisada, sche quellas vegnan purschidas en il rom da la cunvegna interchantunala per scolas cun purschidas structuradas specificamain per uffants cun duns extraordinaris dals 20 da favrer 2003.

### **Art. 2 Premissas per las contribuziuns**

<sup>1</sup> Sch'igl è – per motivs dal sport – stringentamain necessari da frequentar ina scola da sport extrachantunala respectivamain sch'i n'è betg avant maun ina purschida correspundenta en il chantun Grischun, pon vegnir pajadas contribuziuns a la taxa da scola efectiva per sustegnair la generaziun giuvna da sportistas e sportists ch'èn degns da vegnir promovids. Las sportistas ed ils sportists da la generaziun giuvna ston posseder per regla ina "swiss olympic talent card national" u pli auta e ston frequentar ina scola da sport che ha il label da swiss olympic.

<sup>2</sup> La premissa per ils pajaments da contribuziuns en il sector dal gimnasi, da la scola media commerciala sco er da las scolas medias spezialisadas è l'adempliment da las disposiziuns d'admissiun tenor l'ordinaziun davart la procedura d'admissiun a las scolas medias dals 2 da settember 2008 (ordinaziun d'admissiun a las scolas medias; DG 425.060).

### **Art. 3 Inoltraziun e tractament da las dumondas a) adressat**

<sup>1</sup> Las dumondas da contribuziun ed ils documents ston vegnir inoltrads al post ch'è inditgà sin il formular da dumonda correspudent.

### **Art. 4 b) agiuntas**

<sup>1</sup> A la dumonda ston vegnir agiuntads ils suandants documents:

- a) formular da dumonda;
- b) cumprova davart la mancanza d'alternativas raschunaivlas en il chantun Grischun (p.ex. cumprova da la federaziun da sport naziunala);
- c) feagl da persunalias da la studenta u dal student incl. attest da domicil correspudent;
- d) copia da la "swiss olympic talent card national" u pli auta;
- e) scolas medias: cumprova (copia) da l'examen unifitgà reussì en il chantun Grischun u d'ina

procedura d'admissiun equivalenta e renconuschida dal chantun.

**Art. 5 c) termin d'inoltraziun**

<sup>1</sup> La dumonda sto vegnir inoltrada 90 dis avant che la scolaziun cumenza. Dumondas da scolaras e scolars che sa chattan gia en scolaziun, na pon betg pli vegnir tractadas.

**Art. 6 d) decisiun davart contribuziuns**

<sup>1</sup> Davart il pajament da contribuziuns decida il departament d'educaziun, cultura e protecziun da l'ambient.

<sup>2</sup> La decisiun vegn communitgada en scrit a las petentas ed als petents.

**Art. 7 e) calculaziun da las contribuziuns**

<sup>1</sup> La contribuaziun als daners da scola sa drizza tenor la tariffa che vala per l'onn da scola correspondent tenor l'aggiunta a la cunvegna interchantunala per scolas cun purschidas structuradas specificamain per uffants cun duns extraordinaris.

**Art. 8 f) pajament da la contribuziun**

<sup>1</sup> La contribuziun vegn pajada directamain a la scola da sport entaifer 60 dis suenter avoir survegnì il quint dal daner da scola.

**Art. 9 Recurs**

<sup>1</sup> Cunter las decisiuns dal departament poi vegnir fatg recurs tar la dretgira administrativa dal chantun Grischun, Obere Plessurstrasse 1, 7000 Cuira, e quai entaifer 30 dis dapi la comunicaziun da la decisiun contestada.